

Estd

1997

# Z.B.Y.F. TAANGKO

(An Organ of the Zomi Baptist Youth Fellowship)

LOM - X1 : HAWM 1 v MONTHLY BULLETIN v January 2010



To

\_\_\_\_\_  
\_\_\_\_\_  
\_\_\_\_\_

From :-

ZBC Office,  
Bethel Veng,  
Champhai -796321  
Mizoram, INDIA

	<b>Laimai</b>
<i>Hici bangin ci leng...</i> -Nang Za Pau	<i>1</i>
<i>Pa Manga in tan 12 pass</i>	<i>4</i>
<i>DS Pau in Taangko huhna Rs.500/- pia</i>	<i>4</i>
<i>Kumthak bangci zang ding</i> -Pa K. Lang Kap	<i>5</i>
<i>Ki etkikna</i> -Tg. Lalno	<i>6</i>
<i>Lungdamkohna</i> -BYF Secretary, Shillong	<i>7</i>
<i>Keyboard huhna plate</i>	<i>8</i>

## EDITORIAL BOARD

### Editor :

*Awi Ngaih Lun*

### Joint Editors :

*K.Lang Kap*

*Z.L.Thang*

### News Editors :

*Rev. Cin Khan Tuang*

*Sia Kham Suan Pau*

### Cir. Manager :

*Mamuang*

### Tech. Assistant :

*Tin Sawm Lian*

## ZBYF MAKAITTE

(2008 - 2010)

President :

*K.Lang Kap*

Vice President :

*Kham Suan Pau*

Secretary :

*Awi Ngaih Lun*

Recording Secretary :

*Z.L.Thang*

Asst. Rec.Secretary :

*Thang Lian Mung*

Ex-Officio Member :

*Rev.Suan Khan Thang*

Committee Member te :

1. *Nang Sian Mung*

2. *Kap Go Thang*

3. *Thawng Za Muan*

4. *Khup Khan Pau Ex-Hav*

5. *Tg. N.K.Hau*

## Editorial..

I ngaklah mahmah ahi Khrismas leh kumthak nuam takin i zang a, lungdam hang, Topa hoihna hang hi. Aki zak danin pawlpi kim kilawp ciat a, lasak leh lamna diannate tawh Topa kiphatin kipahtawi a, khanlawhna a tunna pawlpawl zong om hi.

2010 kumthak hun lungdamhuai tak Pasionin hong pia a, Ama tungah lungdamna lianpi iko hi. Khaile! Pai ngeilohna lampi ah pai ding ihih manin ei guak bekin kipai ngam lo ding a, hong makaih a, hong kalsuanpih den ding Topa Pasion mah ikisam ciat hi. Tanglai hunin Pasion mi zat ahi Joshua in Pasion thahatna muangin kalsuan a, na khat peuh sem ding hi leh Pasion maiah kiap a, a huhna leh panpihna ngen tangtang hi. Pasionin a thahatna tawh thuam a, a sepna khempeuhah gualzo sak tawntung hi. Pasion tawh a tonkhop manin mihing tha tawh zawh loh ding na lianpipi sem hi.

Tu kumthak hun sungah Joshua mah bangin Topa tawh i tonkhop leh gualzo ding hi hang. Keugaw gam zong lonona mun a suaksak thei Topa makaihna muangin kal suan ni.

## KUATEN BANG GEN?

I thusawi mat ing mel ong song o, i lung am song! -**N.K.Dal, Seh**

Na hoih pen kilawh theih hi. A gad bu bawl peuh leng. -**Upa Gin, Azl**

I lunglut lam kibang lo, ci ziau ni. -**Rev. Suan**

Solfa leh la kikhen khawm bel dohkah mahmah sa ing.

-**Upa JK Thang, Azl**

Tun thu tampi kisawi, kuaman kingai lo, ek suak ngawp.

-**Upa Cinpu. Cpi**

Laitai hoih sa mahmah hi veng ei, Sia Nangte tangthu hong tap tung pan kisiasial sei!

-**Upa N.K.Dal, Seh**

Tua tanta Sia Lun Zumah tu napi gilpuak cih mahmah om thei lo meh tampi pia dih ni..

-**Murlen Mas mehhawmte**

Khawvel hi bawhlung angin a bem a ni. -**Upa B.Cin Ngaih Lian**

X-mas tun kim ni zan a ong ki ensak te na zatui uh tam lo kem lai ing, ong la meng un a diakin bengong, luvai, sisan sang te pawl ong man lang deuh un..

-**Pa K. Mang, Vpr**

Kumthak zan a i lenkhop mahmah

uh ngai lua ing cik ciang tua bang mel i mukik zen tam

-**Miss Priety Nuboih & Miss Antali Mamang**

Kum khen zan a 'zuau puah' kidemna ah khatna late bel thupi sa ngaiat ing. -**Pa Suan Tuang**

Bangbang hi leh tukum 'kisin kum' ahiah mah bangin Bangalore lam va kisin dih ning e, guai...

-**Mary Ngo Lun, Vpr**

Kumthak zan a debate ah Tg. V.S. Piang amah bek pang a ei mi 5 khawng pang a i nial zawh het loh bel ka cih nang thei zo keng...

-**Pa C.K.Eng, Vpr**

Mas leh kumthak ka zat teng lakah tutung nuam sa pen ing. Hi ci deuh leh cih ding thei kei ing.

-**Miss Merina Lian Sian Dim, Vpr**

Kum hong thak e..! I ngei mah bang kik zel hang..hi..hi..

-**Lia Mawii & Kimi Cpi**

## NPSS khawmpi om ding

27-28 February, 2010 ciangin ZBC gambup Area khempeuhah Naupang Sunday School khawmpi om ding a, Pasion thu leh la tuamtuam kidemna om ding hi. Khoppi tunna ding mun pen Area te sehna hi ding hi.

## Hi bangin ci leng...

-Nang Za Pau, Visakhapatnam

**Thu masa** : Tu laitak America gam President Barack Obama in a gen tam pen leh a thupit sak pen bang hiam cih leh '**change**' (kikhelna) ahi hi. Hih thu in America bek hi loin leitungbuppi zeel a, India gam banah Mizogam mahmah zong hong zeel-in 'change' cih kammal kinak zat mahmah a, a diakin *politics* tawh kisaiin kilim zat pha diak hi. MNF in kumpi hihna a let hun lai sangin tu-a Congress in kumpi hihna ong let teh - tui, gas leh mei(current) gina lo zaw deuh ahi tam, '*hih hi ngel maw, Congress-te' gengen change a cih uh,*' ci-in Congress kumpi ko na-in nak zat mahmah uh hi.

Tunai diak mahin USA-a om Sizang mite biakna pawlpi makaihna tawh 'Thanksgiving Bible Camp' a bawlina uh ah thugen dingin Rev. Dr. JM Paupu zang uh a, a programme zatna uh pen leitungbupah ettheih dingin *internet*-ah '*live*' in hong khakhkia ziahziah uh a, tua lai-ah thu hoih thu manpha tampi tak gen hi. Tua lai-a a hunzatna sung khatah '*ei Zomite'n i khawmpi zatzia uh zong ki-et phat kul hi, tanglai pek-a i zatdan mah-in tuni dong zangzang lai hi hang*' ci-in gen hi.

Kei zong kei tum takin i khawmpi zatdan uh pen khek hun ta hi veh aw, a ngeina bang vive a kizang tawntung ci-in ka lungsimah ka vei tawntung thu khat ahi a, a diakin kum 2011 cianga ZBYF khawmpi ding bang lungsimah lian mahmah hi.

**Ka mumang hi lo!!** : Tua hi-in kei tum takin ka na ngaihsunsun pong zel a, programme tua ci-in kigel-in hun kituaci zat leh cih bangin ka na geelgeel pong hi. Tua ka ngaihsutsut, ka geelgeelna

pan ka deihdan leh hoih ka sakdan tu tungin hong luikhia ka hi a, hoih pen hi, zuih teitei ding hi cihna hi pah loin, '**hi bangin ci leng.. bang a ci tam**' cih ngaihsutna i nei theih khak leh cihna tawh hong luikhia kahi hi. Mi pawlkhatte bang hi leh, '*ka mumang*' hiam, '*ka sunmang*' hiam peuh ci ding uh a, ka mumangah tua bang tua bangin khangnoten hun zang ziahziah, cih bang dan khawngin siam takin zong gelh thei kha ding hi. Ahi zongin kei' a pen ka mumang hi lo a, ka ngaihsutna leh ka geelna hi giap hi!!! Mite' hong dot leh hong nget zong hi lo, keima aituum thusuak hi ngiat hi!!!

**Khai le.. kipan ni aw le guaite...**

**1. Khawmpi hun** : I khawmpi a tamzawte pen ni 3 sung kizang a, kei' theih na ciangah khat vei bek ni 4 sung kizang hi. Tua ni 3 sungah i deihteng hensuk-in programme i geel a, hun awng zong om man lo phial zah dongin hun i zang zel uh hi. Tua hi-in amasa pen dingin i khawmpi hun pen ni 4 dingin geel leng cih ahi hi.

**2. Speaker** : Khawmpi i cih tak ciangin khawmpi taktak hi pah a, kikhop ngeina maimaite hi loin mun tuamtuam pan paikhawmin hun zangkawm cihna ahi hi. I kikhop ngeinate-ah i upate, i siate thugen dingin i zang uh a, amaute cin kei, siam kei, hawmthawh hang i cihna hi loin, khawmpi ahih mah bangin thugen ding zong a '**pi**' khat nei thei leng cih ahi hi.

**3. Kidemna** : Tuma sangsiah i khawmpite ah kidemna tuamtuam lapawl, LST kamngah leh a tuamtuam i nei ngeingai thei zel a, hun kawcik tawh hun pen deihtung bangin kicing lo zelin nawhsa khawnga hun i zat hun tam mahmah hi. Tua hi-in a dangte thupi kei cihna hi loin, Lapawl pen pi bawlin Lapawl kidemna bek nei leng cih ahi hi.

**4. Seminar** : Hih pen i zat ngei nai het loh thu ahi hi. Khua tuamtuama om pawlpi mite, khangnote, ngaihsutdan kibang lo, khuamuhna kibang lo, pilna siamna kibang lo, dinmun kibang lo vive khawmpi zang dingin i paikhawm a, tua bangin mi tuamtuam in khatvei thu-a hunzat khop pen thu baihi lo hi. Tua hi in hih hun lemtang zangin Pasian' thu tawh kihansuahna banah, i Pawlpi kalsuanzia ding ahi zongin, i sa lam nuntakna a khat theih nading ahi zongin, i khuamuhna hong zai a i pawlpi mite' dinmun hong kilaptoh theih nading ngimna nei in Seminar nei thei leng cih ahi hi.

**5. Hun zatzia** : Hun zatzia cih ciangin a tangpi thu-in hun khat sungah lasakna tawh, kidemna tawh, thugenna tawh utteng bangteng hensuk-in hun i zang zel a, a thupi pen ahi Pasian thu tawh kha anvakna hun pen kisuangsawn thei zah dongin a '*nengneng*' i hau mahmah thei zel hi. Tua hi in kha anvakna ahi thugenna hun pen pi bawlin a thupi penin nei in, a dangdang a nengnengte pawl zat nading a tuamin hun bawl zaw leng cih ahi hi.

**6. Zingsang devotion** : Khawmpi i nei simin zingsang ki-apna ci in siate, evangeliste makaihna tawh devotion hun i nei zel uh hi. Hih hun pen mi pawlkhatte a phattuampih tei hangin a tamzaw in kiphattuampih khol lo hi. Tua hi in tu hun a mi pawlkhatte zat bangin, devotion programme a tuamin bawl se loin, mimal in eima kisapna leh deihdan/ lawpna i tha ngah bangin ki apna hun i zat theih nadingin hun awl sak ziau lel leng cih ahi hi.

**Tua ahieh leh** : Hih a tunga i gen point 6-te lungsim sungah thei kawmin tu in programme tangpi geel khawm dih ni maw... nuam ei...

Gentehna dingin hong tung ding kum 2011 ZBYF khawmpi pen 14-17 Feb sung Aizawl ah kizang ding bangin geel pong leng...

14.02.2011(Laizing) Tunkim nitak (6:30pm-9:00pm) : Tunkim nitak ahieh manin zin hong tung zekai zong om thei ahieh manin programme pen tawmkhat

pan hak deuh leng zong poi lo hi. Hih hunah hunzat zia ding tangpi :

- voidawn thugenna
- mel kilahna (siate leh upa makaite bek )
- mel kilahna ( a tangpi, cihna

ah khua tuamtuam panin mikhat ta kiseh in, i khua ciat introduction nei in tua kawmmah in i khua ciata khangnote kalsuanzia tawmkhat reportna zong nei pah ding hi, tua hi leh khat leh khat tha kipiakna zong hi pah ding hi)

- a beisa kum 3 sung ZBYF nasepna/dinmun report tomkim
- sermon om nai lo ding

-ZBYF President in a ut bangbang genna hun tomno nei ding.

-programme pen a light thei banga zat ding, thugenna kal lakah special item tuamtuam om ding

15.02.2011(Laithai) Zing Kidemna (10:00am – 12:00noon) : Lapawl kidemna hun hi ding hi.

15.02.2011(Laithai) Sun (1:00pm – 4:00pm) : Khawmpi sim a hong paite sungah Aizawl a khatvei paina cih bang om kha thei dinga, tua banah Aizawl pai man ci in van lei ut zong om kha thei ding ahih manin hih hun pen hun awl hi ding hi.

Tua banah Makai kiteelna bang om ding ahih leh hih hun sung mahin kiteelna nei ziau theih lel hi. A hang pen kiteelna ah mi nautangte kihel lo a, khua khat pan tangmi teng bek in teel thei ahih manin hun lemtang mahmah hi.

15.02.2011(Laithai) Nitak Biakpiak kikhop (6:00pm – 7:30pm) : Kipat hun nai 6 cih ciangin hunpi kipat hun cihna hi a, praise & worship pen nai 5:30 pan kipat ding hi. Hih hunah hunzat zia ding tangpi :

- Hun apna
- Thupulakna
- Lapawl 1 / 2
- Neihsa tawh biakpiakna
- Thugenna
- Hun khakna

15.02.2011(Laithai)Nitak Kilawmtatna (8:00 pm – 9:30 pm) : Hih hun pen zangkhai takin zat ziahziah ding hi lel hi. Ahi zongin utteng bangteng hih ding cihna hi loin, programme pen ama in set khol ding hi. Lasakna, ciamnuih cih bang bekbek hi loin Choreography, skit, musical drama cih bang a tuamtuam i nei theih ding hun mahmah ta hi.

16.02.2011(Ninoni) Zing Seminar I (10:00am – 12:00noon) : Seminar hun khatna hi ding a, i teel thulu zangin kisinsakna hun hi ding hi.

16.02.2011(Ninoni) Sun Seminar II (1:00pm – 3:00pm) : Seminar hun nihna hi ding a, thulu tuam zangin kisinsakna hun hi ding hi.

16.02.2011(Ninoni) Nitak Biakpiak kikhop (6:00 – 7:30pm) : Nitak biakpiak kikhop ngeina hi ding hi.

16.02.2011(Ninoni)Nitak Kilawmtatna (8:00pm – 9:30pm) : Nitak kilawmtatna hun ngeina hi ding hi.

17.02.2011(Nipini) Zing Biakpiak kikhop (10:00am -12:00noon) : Hih hunah hunzat zia ding tangpi :

- Hun apna
- Thupulakna
- Lapawl
- Neihsa tawh biakpiakna
- Makai thakte apna hun
- Thugenna
- Banah hih hunah Aizawl a om

i Zomipih biakna pawlpi tuam EBCC leh AG khangnote hun tomno piak bawl na hun hi ding hi.

17.02.2011(Nipini) Nitak Biakpiak kikhop (6:00pm – 7:30pm) : Nitak biakpiak kikhop ngeina mah bang hi ding hi.

17.02.2011(Nipini) Nitak Kikhakna hun (8:00pm – uttantan) : Kikhakna hun hi ding a, hunzat zia ding tangpi :

- khawmpi report tomkim
- khawmpi tawh kisai mipite tungpan sharing/feedback
- thaman hawmna
- ZBYF President thak message
- Special items tuamtuam
- lungdamthu puakna
- Khawmpi khakna

**A hialna :** Upmawh sang hong sau pian mawk ei.. zihziah lel... A tung lama ka cih mah bangin keima ngaihsutna leh geelna kong luikhiat ahi ziau lel a, zattak, ngaihsuttak i sak leh lungdamhuai mahmah ding a, zattak lo, zuihtak lo i sak leh zong a lungdamhuai mah hi veve

ding hi. Bang hang hiam cih leh kei' meet nading leh sup nading om tuan lo hi!!!

***Hi bangin ci leng... bang a ci tam??? cihna hi pen lel hi...***

Kum 2011 ZBYF khawmpi nuam taka a zang thei ciat dingin i biak Pasian in hong ompih ciat ta hen.. ***Topa' thupha maw le...***

### CLASS 12 ZO

*Pa Nang Ngaih Mang s/o Pa Thawng Khaw Zam Murlen in lai tan 12 hoih takin zo ahih manin Taangko Editorial Board in kilungdampih hi.*

**TAANGKO HUHNA Rs.500 PIA**  
*Pa DS Pau New Delhi te innkuan in ZBYF Taangko huhna ding Rs.500/- hong pia ahih manin Taangko Editorial Board in lungdamna lianpi kiko hi.*

### Crusade lawhcing takin zang

Ni 3-6 December, 2009 sungin Champhai Vengthar pawlpi in Rev. Pau Khai Speaker a zangin Crusade nuam takin zang uh hi. Biakinn dim valin mite kikhawm uh a, Pasian thu sungah pianthakna leh lawpna thak lim ngah mahmah uh hi. Pasian in mite lungsim lawngin Vengthar biakinn huhna sum bangzah hiam ngah uh a, huhna a ngah te uh tawh biakinn sak kipan thei ta hi.

### Missionary Sunday

Ni 7th February, 2010 ciangin ZBC pawlpi khempeuhah Missionary Sunday kizang ding hi.

## KUMTHAK BANGCI ZANG DING?

-K.Lang Kap, President ZBYF

A masa in kum lui 2009 hong zawhpih a, kumthak gal hong kahpih i biak Pasion min phat masa hang. Kum lui sungin tuahsiatna, maizumna, dahna leh lungkhamna i tuah hun om ding a, i nopsak hun leh lungdam hun zong om ding hi. Sawm lohpi a kal i suan khelh hun zong om kha ding hi. Bangbang hi ta leh, kum beisa sunga i gamtatna sate ah lungkim huailo om kha ahi phial zongin, tukum 2010 ah lungsim thak leh geelna thak tawh kalsuan sawm ding hi hang. I lawhsapnate Topa tawh i ton loh man a hi diam? Khatvei lungngai dih ni.

Gamsung singkung lopate in a hun zui in kung thak, pak thak hong suah kik ding a, tua banga tehno leh pak hong suah tawh kitonin hong khangin hong lian in hong sang toto hi. Ei mihingten zong kumthak hun sungah mimal leh innkuan, pawlpi, khua leh tui, i minam leh gam adingin bang na thak semin, i khantohna dingin bang lungsim thak nei i hiam? Mi lawhcing tampiten, kumthak tawh kitonin geelna thak, lungsim thak leh hanciamna thak nei in milui nate paisanin thak suakna hun manpha, tup leh ngim kician neihna kumthakin zang uh hi.

A pil a haute leh, a zawng a mang, milian mineute adingin kum khat hun sung a kibang hi a, ni 365 omin nai 8760 mah a zang ciat ihi hi. Bang hangin hun kibang sungah om tek hi napi, a lawhcing, a lawhsam om thei i hiam? Pasion in i tan ciat dinga hong sehsak ahih leh mihingte dal zawh hi tuan kei. Ahi zongin, a tam zaw pen ei leh ei ki bawl hi kha ding hi. Pasionin hong sehsaksa tungah i lungkim zawh lohna in Amah tawh i tonkhop loh man hi kha ding hi. I telsiam zawh loh hong

Taangko January 2010

5

## KI ETKIKNA (Kah.3:40)

-Tg. Lalno, Vapar

ZBC gambupin kum 2009 thulu dingin Ki etkikna sung tel a, hih thulu zangin ZBYF makaite in zong article gelh ding ong vaihawm manin a tel vaihawmte hi in i ZBYF makaite pahtak huai ka sa petmah hi.

A beisa kum 2008 thulu Gahsuahna cih bulphuh in thuhilhna kizang thei zel hi. Mi pawl khat te in ki metpih bek tham lo in, insung leh pawlpi sungah ihihna bang tan hiam cih hong telsak hi. A beisa kum enkik zel leng i omna pawlpi, innkuan sungah bang lamah bangci bangin i gahsuah hiam, cih ngaihsun kik zel in, tuate ah hih khelhna a om leh Pasion deihna hi dinga na ki etkik ding adeihna ong hi kha ding hi.

Hampaha ka kisa a, ei Mizoram in kumpi thak bang i nei a, i kumpi te in vaihawm siam a, ei Khristian te a dingin a manpha hong suah theih na dingin thu i ngetsak zel ding kisam pha mahmah hi. Ko Vapar BYF te in 2009 kumin ka gah suahna uh Keyboard hi in ka thei hi. Ahi zongin 2009 in hun paisa a ka gahsuahna uh hawmthawhin memberte hi in makaite hita leh ki enkik in September tanin vanthak a tuamtuan kilawhna akipanin ka lei khiat uh Rs.20,000/- val mah ka nei uh hi. Hih kong gennopna in 'Ki etkikna' cih thulu phawk lo in thudon lo hile ung hih ciang tung dingin ka ki lamen kei hi.

America President lui Bush etteh tak ka sakna in aki khop ciangin a phone off gige hi. Nang leh ken biakinn sung nangawn ah off cih thadah gingsak vauvau in kong lam khawng ah

6

Taangko January 2010

pai khiatpih lai..! i leitung nuntakna ah ki en leng Bush leh ei kua thupi zaw iki ngaihsut kul hi. Ei pawl biakpiak kikhop bel nai 1 ahih kei leh nai 2 khawng hi. Hih hun sung lawmlawm phone switch off leng sisam kei ni. Amau bel aki khop uh ciang nai 5/6 sung bang biakna zang uh a, tua hun sung switch off ngam mawk hi. Amah leh ei ki enkik in kua i VIP zaw hiam?

Khat veivei ngaihsun thei zel ing, khual i zin khiat ciang ahih kei leh khoppi khawng i pai ciang Namdang pau khat bek ihel zel pen i ZBC Constitution ah om lah hi sam lo, theih siam haksa ka sa hi. I inn sung leh pawl sung ah i nu leh pate in bangci bangin hong paipih uh ai tam! Ki etphat huai ka sa hi. Sente, Tamil leh namdang a tuamtuan in mun tuam gam tuam ah om mah taleh amau pau tektek tawh Pasion bia tangtang uh hi. Lai Siangtho sung en leng Topa Jesu a mipih Judahte kiang pai masa hi. Namdang te pen a pil mahmahna uh mun cih mual cih ah a zin a vak zong a kikhop uh ciang amau pau mah zang hi. Koi mun peuhah Zomi pau zahpih kei ni.

ZBYF sung zong ka ngaihsun thei zel a, mibangin i pil zo kei phial zongin mi bangzah hiam bek nurse ahih kei leh Dr. cih bangin tua ciang central

service bangzah hiam bek i om hun ta ahih manin nu leh pa ahite in hong ngaih sun kik un. Makaite in i BYF sung pan kua teng in sang bang tan kah, kua teng khawl, a hang bang ong kingaih sun kik un. State pua lam i pai ciang no state or minam Doctor specialist bang zah om cih hong dot ciang in i mi i sate mah gen ut huai lua hi. Lai siamna lam sau i tung kei zong in NGO bekah ahih kei leh nurse bang i nungakte bangzah hiam hong om leh ei mahmain kinop tuampih ding hi. I makaite, nu leh pate in tate bang ciang in om ci in hong en kik zel le u cin ka ut mahmah hi. Tua ahih manin ei state bek ah i hun leh nite zat sawm kei ni. State dangah pai ding dan nu leh pate in a ngaih sun thei kei zong in ei mahmah in i ngaih sut kisam ta hi.

Tua ahih manin tulai khangnote i gamtatna sate i etkik ding kisam mahmah ta hi. Nidangin khamtheih guih theih ihih kha zong in tu in ki enkik ni. Ganhing vasate in a bu lui zang lo in hun pai sa a i om dante tu ciang i paipih zel pen khel hun ta hi.

Mite computer age ah ding ta in ei bel i omna khua tek pan Champhai ciang hi leh zel ding maw, ngaih sun ni. Khangno lai hi a, lai bang tan hiam bek i theih kei leh mite in makai in hong zang nawn lo ding hi. Tua ahih manin i pawl sung hi in i central committee sungah lai siam bek hilo in, solfa na dongin degree i neih loh hong pha mawh ding hi.

Hun ong pai zel ding ah i pil i

siam kei leh a zatna ki om lo ding hi. I lawm leh gual a pil a siam teng hong kikhawl ding a, hong holim bek le u zong leitung khantoh dan vive hong gen ding hi. Tua ahih manin bang dinmun ah ding ka hiam, tu hun tawh a kituak hiam ka khua hek dan, ci a iki etkik ding hi.

Lai Siangtho sungah Topa in Josef hangin Izipt mipa thupha pia mawh hi. Nang leh kei hangin i mipih i sapih Zomi gilkiyal dangtake in hong nop tuam theih nadingin i gamtatna sate ki en kik in, pan i lak kul petmah hi.

### LUNG DAM KOHNA

*-BYF Secretary, Shillong*

Shillong BYF in kum 2007 panin keyboard ki project a, 2009 ciang in LCC leh BWS in nakpi takin hong hanciampih hi. 2009 sunga keyboard neih teitei sawmin memberte in lawptakin na kisem a, sum leh pai muhna dingin pawlpi mite inn ah pai in, khatvei leh blanket sawp ding kingen a, khedap nawt in inn kihah siang a, khatvei leh ci a bag in kila in, inn lusikah kizuak a, lai ip hawm in huhna kingen hi. Tua banah receipt bu bawlin huhna kingen kawikawi hi. BYF memberte hanciamna leh mi phatuam ngaite kipiak zawhna hangin keyboard YAMAHA PSR S-550 Rs.43,500/- in kilei thei ahih neih zawhna dinga huhna hong pia mite khempeuh tungah lungdamthu kiko hi.

Tua banah Pa Kam Khan Mang Vice President Shillong BYF in Condenser Gooseneck Microphone Rs.3150/- man hong leisak ahih manin kilungdam peuhmah hi.

### SHILLONG ZBC KEYBOARD HUHNA PIA TE

1. Pa Gin Za Pau	Rs.20,000/-	34.Kimi	Rs.15/-
2. Rev. G.K.Nang	Rs.20,000/-	35.Ngaih Lun	Rs.10/-
3. Upa Gin Kho Zam	Rs.5,000/-	36.Khuma	Rs.10/-
4. Dr. Hau Za Cin	Rs.1,000/-	37.P.K.Ruhhr	Rs.10/-
5. Upa Vum Khan Do	Rs. 800/-	38.R.K.Das	Rs.10/-
6. Upa Thawng Thang	Rs. 500/-	39.Hannu	Rs.10/-
7. Pa Kap Pau Cpi	Rs.200/-	40.Mawii	Rs.10/-
8. Testo Kurbah	Rs. 100/-	41.Suani	Rs.10/-
9.J.Sapnunthara	Rs.100/-	42.Sri. Gicbent Fancon	Rs.10/-
10.Nu Man Niang	Rs.100/-	43.Siken Das Sing	Rs.10/-
11.Upa Cin Za Lian	Rs.100/-	44.K.Marbianiang	Rs.10/-
12.Pa Gin Sum Naulak	Rs.100/-	45.Keshab Joshi	Rs.10/-
13.Pa Ngaih Mang	Rs.100/-	46.Mohesh Powdel	Rs.10/-
14.Nu Gin Ngaih Ciin	Rs.100/-	47.Dong Cin Khup	Rs.10/-
15.Pa Cin Khan Khup	Rs.100/-	48.Do Sian Lal Saipimual	\$ 10
16.Rev.Gin Lam Thang	Rs. 100/-	49.Pau Sian Lal Kansau	\$ 20
17.Pa Khen Khan Hang	Rs. 100/-	50.Sua Thang Tonzang	\$ 10
18.Pa Khai Za Cin	Rs. 100/-	51.Vungh Khan Piang Kaptel	\$ 20
19.Pa Hau Khaw Lal	Rs.100/-	52.Sel Suan Thang Khawdai	\$ 10
20.Pa JK Kap	Rs.100/-	53.Sia Khuppi Yangon	\$ 5
21.Pa D.S. Pau Delhi	Rs. 100/-	54.Pau Suan Nang Lamzang	\$ 5
22.Khuppi	Rs.50/-	55.Pum Tul Tuang Suanghoih	\$ 10
23.B.Hazarika	Rs.50/-	56.Dal Suan Lian Suanghoih	\$ 5
24.Lampu Hatzaw	Rs.50/-	57.Lian Sum Mung Suangzang	\$ 5
25.Somokanta Meitei	Rs.50/-	58.Vung Tung Pau Suanghoih	\$ 5
26.Rani, Arnab	Rs.50/-	59.Cin Tengh Sang Cikha	\$ 5
27.Nu Dim En Cing	Rs.50/-	60.Thang Suan Khai Tonzang	\$ 10
28.Upa Gin Khan Mang	Rs.50/-	61.Nang Sian Suum	\$ 10
29.S.Vani	Rs.20/-	62.Khual Khan Khai	\$ 10
30.Gautam Sarma	Rs.20/-	63.Lian Tul Khai Tungzang	\$ 5
31.Elvin	Rs.20/-	64.Cin Lam Tuang Tungzang	\$ 10
32.Chandan Barnah	Rs.20/-	65.Khup Khan Khai Tungzang	\$ 5
33.Tluangi Hatzaw	Rs.15/-	66.Thawng Thang Suangzang	\$ 5

*Shillong ZBC Keyboard huhna plate khempeuh tungah Shillong*

*BYF minin lungdamna lianpi kiko hi.*

Sd/-Kap Thang, Secretary BYF      Sd/- Thang Khan Lian, President BYF